

縣之東南隅約三百步廟一痕一廡門各一廣深寬五丈祀
儀如汨羅其所費取諸汨羅之侵地先是汨羅祠有隙地計
周圍一千一百三十六丈爲豪右湛明寺侵爲世業久矣侯
始蒞時祀汨羅覈返侵地募民佃之歲取其租以供新廟之
祀因并勒石陰以告來世

君山湘君廟碑記

嚴首昇

沙邱太史虎臣蔣公繼尊人楚珍先生鳴玉起爲藝林宗天
下楷撫蔣氏一家言者五十餘年公及第以內翰司衡秋春
兩闈督燕畿學政康熙十年庚戌近艾旬引疾請假抵廣陵
過其門不入溯洄棲霞牛首經九華至止匡廬者五閱月迄
洞庭湖志

卷之九

藝文一 文一

五

辛亥入八公九峯過大小別泛洞庭憇嶽麓沿湘陟衡嶽周
覽七十二峯復泝流下壬子春上瀟宮遊噪巔望峨嵋投止
思南極洱海然後旋公茹蔬布衣徒步瓶鉢但所至輒有紀
若詩及地方便宜損益事咸授梓維時吳山司農定山包公
元辰公所得士也專符天岳往還皆留岳因住君山愛之募
當路建湘妃廟其上費不貲再匝期垂成而公歿於峨嵋寺
中轉南歸定山使君勒碑廟側屬予爲紀予思公轍跡幾半
天下所獲巨川喬嶽凡幾獨徘徊洞庭君山不能去亦猶天
下名卿大夫士多出公門而獨依依定山使君若曰微斯人
誰與歸也公入楚楚人當如南郡之仲宣沙渠之青蓮建樓